

U skladu sa člankom 23. Statuta MKD CREDO CENTAR d.o.o. Mostar (u daljem tekstu MKD CREDO CENTAR) i Odlukom Skupštine MKD CREDO CENTAR broj: SK-VAN-3/05-2023, od 30.05.2023.godine, a na temelju odredbi člana 40. Zakona o Mikro kreditnim organizacijama („Sl. novine FBiH“, br. 59/06), MKD CREDO CENTAR objavljuje slijedeći:

O G L A S

za izbor kandidata za člana Odbora za reviziju u MKD CREDO CENTAR

Odbor za reviziju MKD CREDO CENTAR (u daljem tekstu: Odbor za reviziju) je organ za praćenje poslovanja MKD CREDO CENTAR, odgovoran za nadzor i praćenje poslovanja, praćenje rada Interne revizije i angažiranja Vanjskog revizora, koji vrši reviziju godišnjih finansijskih izvješća, kao i za ostvarivanje nadležnosti i ovlaštenja reguliranih Statutom MKD CREDO CENTAR.

Odbor za reviziju čine 3 (tri) člana, uključujući i Predsjednika Odbora za reviziju.

Članove Odbora za reviziju bira Skupština MKD CREDO CENTAR, a imenuje Nadzorni odbor MKD CREDO CENTAR na mandatni period od 4 godine, koji između sebe biraju Predsjednika.

Odbor za reviziju je dužan da Nadzornom odboru MKD CREDO CENTAR predlaže otklanjanje uočenih nepravilnosti, kada ocjeni da MKD CREDO CENTAR posluje suprotno zakonu, drugom propisu, Statutu ili drugom aktu ili to zaključi na osnovu izvješća o reviziji, odnosno kad utvrdi druge nepravilnosti koje mogu imati teže posljedice na poslovanje MKD CREDO CENTAR.

U cilju navedenog Odbor za reviziju obavlja slijedeće poslove :

- a) nadzire angažiranje vanjskog revizora, koji će obaviti reviziju finansijskih izvješća; te daje preporuke vezane za naknadu vanjskom revizoru i raskid ugovora o reviziji, bilo od strane vanjskog revizora ili Društva;
- b) nadgleda učinkovitost vanjskih revizija, kroz nalaze navedene u izvješću vanjskog revizora i listu danih preporuka;
- c) nadzire provedbu danih preporuka i korištenje najprikladnijih računovodstvenih politika, u skladu s Međunarodnim Računovodstvenim Standardima, te procjenjuje sve predložene izmjene računovodstvenih politika;
- d) pregled konačnih finansijskih izvješća i pripadajućih bilješki, prije njihovog objavljivanja, te procjenu njihove usklađenosti sa zakonskom regulativom;
- e) odobrava godišnji plan Interne revizije,
- f) pregled i procjena djelotvornosti sustava internih kontrola, te izvještava Skupštinu i Nadzorni odbor prilikom odobrenja finansijskih izvješća, o svojim nalazima i mišljenjima;
- g) razmatra izvješća koja je pripremila Interna revizija, uzimajući u obzir nalaze revizije, te nadgleda ispravke propusta, koji su navedeni u nalazima Interne revizije, provedbu predloženih korektivnih aktivnosti i prihvaćanje izdanih preporuka;
- h) prezentira kompletnu reviziju godišnjeg finansijskog izvješća Nadzornom odboru i Skupštini,
- i) saziva sjednicu Nadzornog odbora i Skupštine, kada utvrdi nepravilnosti u radu predsjednika ili članova Nadzornog odbora ili Uprave Društva,

Nadalje, Odbor je ovlašten da:

- s Upravom Društva raspravlja o važnijim politikama vezanim za upravljanje rizicima;
- procjenjuje usklađenost sa Međunarodnim Standardima Revizije,

UVJETI ZA IMENOVANJE KANDIDATA ZA ČLANA ODBORA ZA REVIZIJU

Kandidat za imenovanje za člana Odbora za reviziju, treba da ispunjava slijedeće uvjete:

1. OPĆI UVJETI

- da je državljanin BiH,
- da ima opću zdravstvenu sposobnost
- da nije pravosnažno osuđivan za kaznena djela i privredne prijestupe nespojive s dužnošću člana Odbora za reviziju u periodu od pet godina, od dana pravosnažnosti presude isključujući vrijeme izdržavanja kazne
- da mu pravosnažnom presudom suda nije izrečena mjera zabrane obavljanja dužnosti člana Odbora za reviziju
- da nije pravosnažno osuđivan za prekršaj ili krivično djelo koje predstavlja grubo i trajno kršenje propisa iz djelatnosti Agencije za bankarstvo FBIH ili drugog nadležnog tijela na finansijskom tržištu

Samo izabrani kandidati u MKD CREDO CENTAR dostaviti će:

1. ovjerenu kopiju identifikacijskog dokumenta (osobna karta),
2. ljekarsko uvjerenje o radnoj sposobnosti ne starije od 3 mjeseca
3. akt izdat od nadležnog organa unutrašnjih poslova prema mjestu rođenja, da nije pravosnažno osuđivan za kaznena djela i privredne prijestupe nespojive s dužnošću člana Odbora za reviziju u periodu od pet godina, od dana pravosnažnosti presude isključujući vrijeme izdržavanja kazne i da mu pravosnažnom presudom suda nije izrečena mjera zabrane obavljanja dužnosti člana Odbora za reviziju,
4. akt izdat od nadležnog suda BIH da nije pravosnažno osuđivan za prekršaj ili krivično djelo koje predstavlja grubo i trajno kršenje propisa iz djelatnosti Agencije za bankarstvo FBIH ili drugog nadležnog tijela na finansijskom tržištu.

2. POSEBNI UVJETI

- da ima VSS – VII stepen stručne spreme, odnosno visoko obrazovanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja, poželjno ekonomskog ili pravnog smjera i posjedovanje sertifikata za ovlaštenog revizora i računovođu,
- da ima najmanje petogodišnje radno iskustvo u struci (dokaz: potvrda o radnom iskustvu),
- da nije pravosnažno osuđivan za prekršaj ili krivično djelo koje predstavlja grubo i trajno kršenje propisa iz djelatnosti Agencije za bankarstvo FBIH ili drugog nadležnog tijela na finansijskom tržištu (dokaz: akt izdat od nadležnog suda BIH, a koje će dostaviti samo izabrani kandidat nakon izbora),
- da nije član Uprave, Upravnog ili Nadzornog odbora, Odbora za reviziju ili prokurista druge MKO (dokaz: ovjerena izjava kandidata sa podacima da li obavlja ili je ranije obavljao navedene dužnosti sa slijedećim podacima: dužnost i naziv organa, godina imenovanja i godina prestanka dužnosti i naziv subjekta imenovanja, a ako sada obavlja neke od navedenih dužnosti, da će ukoliko bude imenovan za člana Odbora za reviziju MKD CREDO CENTAR podnijeti ostavku na sve navedene dužnosti na koje je imenovan),

- da ima dobru poslovnu reputaciju (dokaz: CV sa navodima o ranijem radu),
- da nije upravljao/rukovodio mikro kreditnom organizacijom kod koje su u periodu njegovog upravljanja/rukovođenja utvrđene značajne nepravilnosti i nezakonitosti u radu (dokaz: pisana izjava kandidata da li je i kada je obavljao dužnosti: direktora, člana uprave, nadzornog odbora, upravnog odbora, odbora za reviziju, prokuriste, te ukoliko je bilo utvrđenih nepravilnosti, da li je osigurao provođenje i da li je proveo supervizorske mjere Agencije za bankarstvo FBiH, radi otklanjanja nezakonitosti i nepravilnosti, sa navedenom godinom imenovanja i godinom prestanka dužnosti i nazivom subjekta imenovanja),
- da nije član Uprave, Upravnog ili Nadzornog odbora ili zaposlenik MKD CREDO CENTAR (dokaz: pisana izjava),
- da nije povezano lice ili uposlenik povezanog lica koje ima privatni finansijski interes sa MKD CREDO CENTAR ili CENTAR MOTOR d.o.o. Š. Brijeg, (dokaz: ovjerena izjava).

Samo kandidati koji budu ušli u uži izbor biće pozvani na intervju.

Kandidati koji ne uđu u uži izbor neće biti kontaktirani.

Svakom kandidatu sa kojim je obavljen intervju biće poslana obavijest da li je izabran ili ne.

Kandidati su dužni uz prijavu koja sadrži kraću biografiju, adresu i kontakt telefon priložiti dokumenta kao dokaz o ispunjavanju posebnih uvjeta.

Sa izabranim članovima Odbora za reviziju Direktor MKD CREDO CENTAR zaključit će ugovore o angažiranju za člana Odbora za reviziju, kojim se predviđaju uvjeti, prava, obaveze i odgovornosti za njihov rad u Odboru za reviziju.

Blagovremene, potpune i uredne prijave kandidati su dužni dostaviti u zatvorenoj koverti, lično ili poštom preporučeno na adresu:

MKD CREDO CENTAR d.o.o. Mostar, K. Domagoja 11a, 88 000 Mostar, sa naznakom „Prijava na javni oglas za člana Odbora za reviziju Skupštini MKD CREDO CENTAR. “ Neblagovremene, nepotpune i neuredne prijave, kao i neovjerene fotokopije priložene dokumentacije za koju je pri prijavljivanju tražena ovjera, neće se uzeti u razmatranje.

Rok za podnošenje prijava na ovaj Oglas koji se objavljuje u dnevnim novinama i web stranici MKD CREDO CENTAR traje 15 dana od dana objavljivanja.

